

mainatges d'òc **PLUMALHON**

La rana

Las enquèstas de
BIANKA

(5,70 €)

ISSN 1264-6733

Los Minons



L'escalada



La rana

La prima, al ras dels pesquièrs, s'ausís cantar de granhòtas dins los arbres, mas son de ranas –o rainetas– e non pas de granhòtas.

Se reproduisson al començament de la prima e mai fins a l'estiu de còps que i a. Los adultes van a la broa dels pesquièrs e als punts d'aiga ont cantan en uflant la garganta.

Las ranas, coma los grapauds e las granhòtas son de la familha dels batracians. Solament las ranas son plan pus pichonas. Fan pas mai de 5 cm de long. Lo còs, generalament, es verd poma amb una rega brun escur darrièr l'uèlh. An de ventosas a la cima dels dets que lor permeton d'escalar als arbres sens pena. Pòdon téner sus una vitra de fenèstra quitament !



Aicí, es una colòbra viperina qu'a atrapada una rana. Aquele colòbra caça dins l'aiga.



Las femèlas pondon de 600 a 1000 uòus dins las plantas aquaticas, en pinhas de 50 a 100 uòus. Los mascles los fecondaràn e puèi los cobles o daissan aital.



Los uòus espelisson al cap de doas o tres setmanas segon la temperatura de l'aiga.

Plan segur, los uòus donan de cabaissòlas – o graulhets, capgròsses. (1)

Las cabaissòlas se noirisson de vegetals, d'algas, de matèrias organicas diversas. Se pòdon far manjar tanben per de peisses, d'aucèls o de sèrps. (2)

La transformacion de las cabaissòlas se fa en dos o tres meses. D'en primièr, pareisson las doas patas de darrièr e puèi las doas patas de davant. (3 e 4)

Pòt arribar que d'aucèls mangan de ranas adultas tanben.



Quand las cabaissòlas se metamorfòsan e que sòrton de l'aiga, tomban lèu la coeta que an.

À aquel moment las ranas son pas pus gròssas que l'oncla.

Las ranas joves contunharàn de créisser e al cap d'un parelh d'ans se poiràn reproduir. Alara, tornaràn al pesquièr per i pondre.



Tèxte e fotografias de Fred Lavail